


Fieërtig jaor kringloup



Refrein:

Fieërtig jaor geleje gebaore
Oze Jan jao dae ontstook 't vuur
Veer hübbe väöl gelieerdj in al die jaore
De kringloup det is genete puur
Veur alle vrunj van de natuur

1. Jan dae prakkezeerdje zo'n fieërtig jaore trok wie combineer ich spas mit educasie
Nao lank en riep beraod, koom hae toen veur d'n draod, mit de kringloup veur
Limburg 'n sensasie
De natuur dae is hie prachtig, det witj toch eederein, daorom grujdje oos
vereniging haos oette naod.
De luuj die zègke ummer, veer waere al mer slummer, dank aan'ne kringloup dae
stèltj os in staot.


Refrein

2. Veer wille alles, weite waat 'r gruijtj en bluijtj
Van al waat kruuep en vluueg in oos omgaevig
Vlinders oppe bloome, veugel inne lóch
De natuur is altied 'n belaeving
D'n allersjoonste vogel, vertèldje ein mevrouw is dae maerel mit dae raoeje
kop det mein ich ech.
Zoea wuuerdj get aafgelach, om waat 'r wuuerdj gezag
Dae raoedkopmaerel och det waas ein zwarte spech

Refrein

3. De kringloup is geweldig, waat cursusse betref
Alles wuurerdj beloerdj dao's nieks mieë veilig
Paddesteul en plantje, begaap van alle kantje
Veugel buim en móos zeen ouch neet heilig
Slekke en insekte gaon veer neet oette waeg
Mit de loup in de handj staon veer te smachte
Waat is det veur 'n deer, wie hètj dae ouch alweer
Op John zien antwaordj hoof se neet te wachte

Refrein



Refrein:

Fieërtig jaor geleje gebaore
Oze Jan jao dae ontstook 't vuur
Veer hübbe väöl gelieerdj in al die jaore
De kringloup det is genete puur
Veur alle vrunj van de natuur

4. Bie ein insekte cursus, stèldje Jan de vraog wie lang kinne eindaagsvleege laeve
Toen zag eine cursis, dae dach det hae 't wis
Jao zo'n waek of zès, of zit ich dan d'r naeve
Same nao d'n Eifel, veur oos boetelandse trip
Om de flora en de fauna te bekiete
Watersprieëuw grawe Klauwier, roeaje Wouw in 't fezier, en d'n Herfsttijloos
mit nieks te vergelieke.

Refrein

5. Oos blaad de observatie totaal getransformeerdj,
Van sumpel blaedje toet een illustrasie
Alles haos in kluuer hieel sjoean gewoore huuer
't is ech ein fantastische Kreasie
Mit danjk aan de redacsie fotograve en auteurs
Veur 't vaöle werk det ongetwiefelidj is gedaon
Veer wachte wie verslaaf, op de volgendje oetgaaf Benuujdj
waat dao deze kieér weer in zaal staon

Refrein

6. Alle miense oeatj betrokke bie oos vereninging
Wil ich names 't bestuur noe laote weite
Veur het werk det is gedaon in fieërtig jaor bestaan
Al die oere de meujtje en 't zweite
Wille veer uch gaer bedanke oet de grondj van oos hert
Want nuuedig veur de toekoms zeentj geer allemaol
Op nao de fietig jaor, de natuur dae is naots klaor
Dan kóm ich en vertel ich uch ei nuuj verhaol

Refrein

Kringloup gank zoea door

Teks en meziek
Jo van Pol